

DIETER. HERM. KEMMERICHII,

ICTI,

ET ANTECESSORIS IN ACADEMIA IENENSI,

COMMENTATIO

DE

INVESTITURA

PER

BACVLVM ET ANNVLVM,

ET

IVRE PATRONATVS REGIO.



ACCEDIT

DISPVATIO INAUGVRALIS IVRIDICA,

DE

PRÆSCRIPTIONE FEVDALI,

QVAM

PRAESIDE DEO OPT. MAXIMO

IN

INCLYTA MARPVRGENSIVM ACADEMIA

DIE IX. APRILIS ANNO CIO DCCVII.

PRO

GRADV DOCTORALI

HABVIT

IOHANNESIACOBVS BRANDT,


HOMBERGA - HASSVS.



IENAE,

EX OFFICINA HELLERIANA, 1750.





I. N. D. N. I. C.



Animus fert, occasione Disputationis solennis, quæ hoc scripto indicanda venit, pauca quædam, cum de INVESTITURÆ Episcoporum ac Prælatorum per BACVLVM & ANNVLVM, quæ Imperatoribus R. G. olim compete-
bat, tum de IVRE PATRONATVS REGIO, quod itidem Regibus & Imperatoribus nostris à nonnullis tribuitur, pauca quædam commentari. Nimirum animadverto, nonnullos de ratione hujus Investituræ ita differere, ut fundamentum ejus in jure Patronatus maxime quærere videantur. Ita enim jam Sec. XIV. scripsit LVPOLDVS de BABENBURG,

A 2

Episco-

Episcopus Bambergensis : (a) Reges & Imperatores non tam virtute dicti privilegii (Papalis scil.), quam ex hoc, quod erant ut plurimum Patroni, seu dotatores Ecclesiarum cathedralium & majorum monasteriorum Germania, Investituras Episcopatum & Abbatiarum in ipsis Germania partibus usque ad tempora HENR. V. facere consueverunt. Ex hisdem fere principiis Investituræ hujus natales repetit III. BOEHMERVS (b), dum : Quod CAROLVS M. inquit, ejusque prosapia, in primis vero OTTONES, plerosque Episcopatus & Pralaturas per Germaniam & Galliam erigerent, eisque bona ingentia conferrent, adeoque hac beneficia sui juris esse crederent. Inde forsan INVESTITVRARVM per BACVLVM & ANNVLVM primordia sunt repetenda ; constat enim ex jure feudali, quod per investituram solennem ab antiquo bona in eos collata sint, quibus officia quævis, tum militaria, tum aulica, demandabantur ad instar alicujus salarii. Non ergo mirandum, quod Casares illas preposituras, quas ipsimet constituerant, mediante investitura, ut feuda quædam ecclesiastica, Pralatis conferrent : quæ consuetudo in primis sub Carolingicis invaluit.

Porre-

(a) In Libro de Zelo veterum Principum Germ. cap. 8.

(b) In 3. Eccles. Lib. 1. Tit. VI. §. 61.

Porre^{ta} hac consuetudo postea ad quascunque præ-
laturas, jam antiquitus constitutas, cum etiam in ba-
rum collationibus Regis consensus esset necessarius.
Ita Dn. BOEHMERVS. Et quamvis hic feudalem quoq;
in subsidium vocet *qualitatem*, quam in hujusmo-
di *Investitura* deprehendi putat; quippe quam
§. 62. *solennem* definit *traditionem* eorum bono-
rum, quorum utilitates & commoda alicui concedun-
tur ob officium vel servitium: attamen mox in co-
dem §o. iterum ad *patronatus* jura respicit, dum
ait: Neque enim deterioris conditionis esse poterant
Cæsares PATRONIS, qui itidem, vi *JVRIS PA-
TRONATVS* beneficia ecclesiastica minora conse-
runt. Aliquanto plus etiam ceteris hac in parte
sapere sibi vilus est Ill. Dn. à LVDEWIG (c) scri-
bens: Per *ANNVLVM* & *BACVLVM* inaugu-
ratos fuisse sacros Antistes, notissimum est. Cau-
sa rei paucissimi probe perspecta. Plerique putant
BACVLVM PASTORITIVM hunc fuisse, mune-
ris pastoralis insigne. Ego, quin ita sentiam, mihi
in memoriam revoco, clientes olim vel cespitem ex a-
gro effosso, vel etiam, quod plurimum contigit, fron-
de siue virga de arbore decerpta à domino feudi in-
augurationem suscepisse. Quem ritum adduxit
etiam

A 3

(c) In Diss. de Origine Annat. Cap. I. §. 5.

etiam MARCA Lib. VIII. c. 19. §. 7. Ut adeo ad fundos quoque feudales virgam sive baculum Episcopi respexisse existimem, non ad sacri tantum muneris rationes. At enim vero, id quidem facile largior, posse fundatorem Ecclesiæ beneficiique ecclesiastici id sibi, redhostimenti loco, jus reservare, ut circa collationem muneris sacri beneficiique potiores suas oporteat esse partes. Siquidem hanc præcipuam Juris Patronatus originem esse, jam ab aliis observatum est. (d) Largior etiam, posse Principem aut Dominum, qui bonis Ecclesiam dotavit, aut beneficia ecclesiastica fundavit, hoc nomine Antistitem Ecclesiæ aut beneficiarium investire, atque adeo bona talia ac beneficia à se profecta per symbola quædam solenni ritu in certas personas conferre. Atque sic facile quoque concedo, potuisse Reges & Imperatores in Episcopatibus aut Monasteriis à se fundatis atque ditatis jus quoddam

(d) V. HERT. Diss. de Super. Territ. §. XIII. p. m. 221. ubi ait: *Ceterum cum non Principes tantum in locis publicis, sed privati etiam in suis fundis templa pii officii causa construerent, & amplissimis reatibus dotarent: missim æquum fuit visum, ut si aliquid juris recipere, veluti exercita pietatis monumentum. Inde JVS PATROCINII sive PATRONATUS, cui vulgo vocant, fluxit, vicijus privati etiam homines habent jus nominandi & offerendi Ministros sacrorum.*

dam circa constituendos Episcopos aut Abbates, vel conferenda beneficia Ecclesiastica à se profecta, sibi reservare. Neque etiam nego, posse hoc nomine Regibus ac Imperatoribus *Jus* quoddam *Patronatus*, *Regium* nonnullis appellatum, tribui: prout Celeberr. Dn. STRUVIUS (e) ex *jure Patronatus Regii Imperatores circa Episcopatus & Canonicatus disponere*, asserit. SICHELIMNÆVS (f) *Juris Patronatus* meminit, quod Imperator, dum vivit, habeat, *nomine & virtute Imperii*, quodque, eo moriente, revertatur ad Imperium, cujus nomine idem tempore interregni Vicarii exercere possint; quo & referre videtur *jus presentandi ad beneficia ecclesiastica*, Vicariis quoque Imp. in *A. B. C. V. §. 1.* assertum. Quamvis non exponat LIMNÆVS, quod *jus patronatus* habeat Imperator vivus nomine & virtute Imperii: id quod etiam SCHILTERVS (g) desiderat. Imo nec ipse SCHILTERVS satis clare mentem de hoc *jure patronatus* explicat; nisi quod primum *jus constituendi Episcopos*, per Concordata HENRICI V. cum Sede Romana Imperatoribus ablatum, ac dein *jus conferendi*

(e) In *Juris Publ. Prud. Cap. X. §. 23.*

(f) Ad *A. B. C. V. §. 1. Obs. XI.*

(g) *Inst. J. Publ. L. 1. T. XVIII. §. 3.*

rendi prabendas & beneficia ecclesiastica, præsertim quæ ad eodẽ jure Imperatorio sub titulo canonicatus pertineant, quippe quod nihilominus retinuerint, eodẽ referre videatur. Scilicet ex Actis Coronationum constat, post Coronationem Imperatorem in numerum Canonicorum Ecclesiæ B. Virginis, quæ *Aquisgrani* est, recipi. Simile quid tradunt de Ecclesiis *D. Petri*, quæ est *Romæ*, itemque de majori Ecclesia *Coloniensi*, nec non de Ecclesia *Bambergensi*, Canonicum scilicet in his quoque fieri Imperatorem vel olim factum fuisse. (b) Habuit quoque Imperator quondam in Ecclesia Cathedrali *Argentoratensi* Jus Præbendæ Regiæ, der Königs-Pfründe des Chor-Königs, (i) quippe à Rege seu Imperatore ante hac fundatæ. Pariter in Ecclesia *Spirensi* duæ Præbendæ ad Imperatores spectant, quippe ab Antecessoribus itidem erectæ. Unde & speciatim harum nomine, *Jus Patronatus* Imperatori adscribitur. (k) Denique & in Ecclesia *Trajectina* Præbenda Imperatoris, velut illius Canonici, propria fuit. Qualia

(b) V. M. FREHER. in Not. ad PETR. de ANDLO L. II. pag. 175.

(i) V. KOENIGSHOVEN *Chron. C. II. p. 161.*

(k) GOLDAST. *Poet. Imp. P. 23. n. 1042.*

lia beneficia Imperatores aliis iterum conferre sive
verunt. (l) Ex quibus omnibus satis quidem elu-
cet, *Jus* quoddam *Patronatus* Regum Imperato-
ribus ac Regibus Germaniæ, propter foundationes
maxime Ecclesiarum aut beneficiorum, ab ipsis fa-
ctas, merito asseri : quamvis non videam, qua ra-
tione, his positis, istud ad solum *Jus Protectionis*,
idque *Domino territorii competens*, restringi queat,
uti Ill. Dn. BOEHMERO (m) placuit ; neque etiam
intelligam, quomodo idem jus vi *Advocatiæ Ma-
jestaticæ* Imperatoribus competat, uti aliis visum :
(n) cum aliud sit, Ecclesiam defendere, aliud, de
bonis ecclesiasticis à se fundatis disponere. Potius
existimaverim, jus Advocatiæ sive Protectionis
speciale ex Jure Patronatus fluere : cum Patroni
Ecclesiæ utique sit, eam contra Injurias defendere.

At enim vero, ut ad institutum revertar, *In-
vestituram* istam per *Baculum & Annulum*, quæ
tantas discordias inter Regnum & Sacerdotium
mediæ ævi tempestate excitavit, ex Jure Patronatus
Regio suam trahere originem, nec nisi symboli-
cam bonorum ecclesiasticorum, ab Imperatori-
bus

(l) v. SCHILT. *Inst. J. Publ.* l. c.

(m) In *Jure Paroch.* S. III. C. I. §. 10.

(n) v. Dn. STRUV. *Synt. J. Publ. Cap. X. §. 40.*

bus fundatorum, traditionem involvere, id quidem usque adhuc mihi persuadere non potui. Quin potius veriozem arbitror sententiam, quæ Investituram hanc nil nisi publicam & solennem, ab Imperatoribus ac Regibus, seu Summis Imperantibus, vi *Summa Potestatis*, circa *Sacra* ipsis competentis, factam, *muneris publici*, in Ecclesia quadam suarum ditionum obeundi, *collationem*, statuit. Cur ita sentiam, certe rationes mihi sunt in promptu. Primum enim ipsa denominatio *Baculi*, in hujusmodi investitura adhiberi soliti, huic sententiæ patrocinator. Vocatur enim passim apud Scriptores *Pastoralis*; (o) itemque *Ferula Pastoralis*, *Virga Episcopalis*, *Cambucca pastoralis*: (p) ut adeo intelligas, per traditionem baculi hujus, non nisi collationem Officii ac Potestatis Pastoralis vel Episcopalis indigitari. Quis enim existimaret, *pastoralem* appellatum fuisse *baculum* istum, intuitu bonorum potius, quibus loco salarii frui deberent Pastores, quam intuitu ipsius officii pastoralis, quo fungi debebant. Et haud dubie hoc intuitu huic baculo superne addita fuit

(o) V. DITMAR. MERSE. *Lib. 1. c. 1.*

(p) uti legitur ap. ADAMVM BREMENSEM, pag. 21. 55. 71.

suit incurvatura, ut *Pedum pastorale* exprimeret, quo opiliones utuntur; unde & *Krumstab* appellatum: ut significarent, symbolum hoc esse officii, quo tanquam Pastores ovium, à summo Pastore Christo sibi conceditarum, fungantur. Arguit idem Formula solennis, qua in Investitura Episcopi utebantur, quæ taliserat: *Accipe BACV- LVM PASTORALLS OFFICII, ut sis in corrigendis vitiis piè sapiens, iudicium sine ira tenens; in fovendis virtutibus, auditorum animos demulcens, in tranquillitate serenitatis censuram non deferent.* (q) Hinc de HENRICO II. Rege refert DITMARVS MERSEB. (r) quod BACVLO *Arnulfi Prae-* *sulis clerum & populum* (scil. verbo divino regendum, non bona fruenda) *Taginoni venerando Pa-* *tri commiserit.* Quo baculo idem haud dubie Rex Episcopo tradidit, quod alibi *curam pastora-* *lem* idem DITMARVS vocat, dum *Lit. 6. Eberbar-* *do* (primo Papebergenensis Ecclesiæ Antistiti) *tunc* *Cancellario,* CVRA PASTORALIS à Rege committitur. Adstipulatur HENR. MEIBOMIVS (s) qui
B 2 ait:

(q) KRESSII *Disquisit. Paroemia:* Unter dem krummen Stabe ist gut wohnen. *Cap. 1. §. III. not. 2.*

(r) *Lib. 2.*

(s) in *Tr. de Jure Invest. Episc. p. m. 161.*

ait : *Sacerdoti sive Episcopo, dum consecratur, BACVLVS iste datur, ut ejus indicio subditam plebem vel regat, vel corrigat, vel infirmitates infirmorum sostineat.* Suffragatur quoque HENR. de HENNINGES (1), dum : *Hac duo, inquit, Imperatores semper censuerunt sui juris esse : videlicet hunc hominem huic loco seu Ecclesia addicere, & annulo velut despondere : & conferre ecclesiasticam jurisdictionem, id est, judicium de sacris rebus cum aliquo imperio atque coercitione : quam in rem signum BACVLVS erat.* - - Non inania igitur fuere signa, ANNVLVS & BACVLVS. Sed cum signo ipsius etiam rei signata, i. e. Ecclesiarum & SACRI MVNERIS COLLATIO facta est. Non exiguum huic sententiae accedit momentum, si consideremus, Investituram Episcoporum Italorum jam CAROLO M. seu Patricio & Regi Romanorum, ex Decreto Synodi Lateranensis, fuisse concessam, (u) quorum tamen Episcopatus à CAROLO M. non erant fundati, unde nec jure Patronatus investitu-
ram

(1) in Tr. de Summa Imp. Potestate circa Sacra cap. VII. §. 24

(u) V. SCHILTERI 7. Publ. Tom. II. n. 1. ubi Decretum istud ex vetustissimo Libro Florentino à THEODORICO à NIEM descriptum exhibetur.

ram hanc sibi afferere poterat. Imo Investitura illa jam ulu fuit recepta, cum bonis saltem immobilibus ac prædiis amplioribus Episcopatus nondum fuerunt locupletati. Res ipsa enim vetustissima est, & jam ætate ROMANI Episcopi Rothomagi, quem *Scd. VII. q. 25.* (adeoque diu ante CAROLI M. tempora) vixisse, IVRETVS annotat, in cujus vita hæc leguntur: *Fit itaque inter Palatinos Procures de viro sancto communis assensio, qui omnes unanimiter Regi consulunt, ne grex Christi suo fraudaretur desiderio, sed divina protinus ad effectum deducatur electio: quo Rex gratulatus consilio, convocatis tam Episcopis quam Abbatibus, BACVLVM illi CONTVLIT PASTORALEM.* Firmiter denique lententiam meam *Transactio* Imper. HENRICI V. cum CALIXTO II. Papa inita: quippe qua *Investitura* per *baculum & annulum* Papæ permiffa, *Investitura* vero per *sceptrum* de Regalibus Imperatori servata fuit. Luculento satis indicio, *Investituram* per *baculum & annulum* non jure patronatus ac foundationibus bonorum niti; cum sane Papa nullam Ecclesiam in Germania bonis ditaverit, & Imperator adhuc Episcopos & Prælatos, amiffa licet illa *Investitura*, Territorio & Bonis æque ac Regalibus investiat. Certe ratio vindicatur

dicatæ à Papa investituræ haud dubie fuit, quod nefas duceret Sacer Ordo, è manibus Imperatorum, ceu hominum Laicorum, iisque bello saepe cruentatis, sacri muneris collationem suscipere.

Sed ulterius hæc prosequi, instituti ratio vetat. Significandum enim, in publicum crastina luce, D. V. proditurum

Nobilissimum Jurium Candidatum

EBERH. FRIDERICVM JOSSIVM,

atque de natalibus vita ac studiis ea, quæ nosse publice interest, commemoranda. Nimirum in lucem editus est hic noster Candidatus in incluta Svevotum Civitate Imperiali, *Heilbronna*, die XIII. Maji A. MDCC IX. Parentibus gavissus, IOHANNE IACOBO IOS, Cæsareanorum militum Tribuno, ac MARIA MARGARETHA, ex BOEHRINGERIANA Gente oriunda. &c. Sed verò curriculum vitæ nobilissimi Domini Candidati per totum hic apponere, ut superfluum apertum, æque omittimus.





IO. IAC. BRANDTII,

HOMBERGA - HASSI,

DISPUTATIO INAUGURALIS IURIDICA,

DE

PRAESCRIPTIONE
FEVDALI.

CONSPECTVS.

§. I. Disputationis occasio. §. II. Etymologia praescriptionis. §. III. IV. Homonymia praescriptionis. §. V. VI. Etymologia vocis feudalis. §. VII. Quorundam opinio de Feudorum origine. §. VIII. De verosimili Feudorum origine. §. IX. De utilitate hujus inquisitionis. §. X. De origine praescriptionis Feudalis. §. XI. De Methodo hujus thematis. §. XII. XIII. Definitio praescriptionis feudalis. §. XIV. Divisio praescriptionis feudalis. §. XV. Differentia praescriptionis & Investitura. §. XVI. Differentia praescriptionis & renovationis. §. XVII. Acquisitio Feudi ex Allodio. §. XVIII. Acqui-

*Acquisitio Allodii ex Feudo. §. XIX. De Possessione
quieta & non-interrupta. §. XX. An titulus
necessarius in hac praescriptione? §. XXI. Epi-
logus.*

§. L



tres esse modos acquirendi feudum scil.
Investituram 2. feud. 2. Successionem
seu Renovationem 2. feud. 33. & tan-
dem Praescriptionem 2. feud. 26. vers.
Si quis per triginta annos &c. quemque modum
sua specialia requisita; quæ nihil aliud sunt, quam
partes necessariae negotii alicujus in quas sua sponte
se scindit, habere, nemo in inficias ibit; Elabora-
ta igitur natura ac requisitis primi modi, sc. inve-
stiturae feudalis à B. meo Patre in Disputatione sua
Inaugurali hoc in loco habita, ut & secundi modi,
sc. investiturae feudalis renovatione à Fratre meo in
peculiari Dissertatione, tandem, ne haec utilis &
necessaria materia à me pro derelicta habeatur, in
me suscepì tertium modum acquisitionis feudalis
sc. praescriptionem feudalem: Faxit vero Omni-
potens Numen, ut hic meus labor cedat ad Nomi-
nis sui gloriam legumque cupidorum satisfactio-
nem,

§. II. An-

§. II. Antequam vero ad ipsam materiam progrediar, suscipienda erit nominum explicatio; sine hac enim frustra de rebus disputatur; Præscriptio itaque nomen suum trahit à præscribendo, h. e. quod leges determinarint certum temporis spatium, intra quod ob certas rationes aliquis jus suum sub pœna amissionis prosequi debeat, hinc etiam temporis præfinitio dicitur, vid. Hahn. ad Welenb. tit. de Usurp. & Usucap. p. m. 697. Dixi, quod leges determinarint; Per leges vero has, non intelligo naturales, quæ sc. tale requirunt tempus, ex quo verosimiliter tacita præsumitur rei derelictio, vid. Dn. Werlhofum in pec. Diss. DE PRÆSCRIPTIONE INTER GENTES LIBERAS §. 12. seqq. quam internam præscriptionis rationem etiam Jctis Romanis observatam, patet ex l. 28. ff. de V. S. l. 15. §. 21. de Damno inf. l. 203. ff. de R. Juris. Sed Civiles, quæ ab ipso penes quem summum imperium est, sunt consecræ & subditis præscriptæ.

§. III. Ad formandum vero sibi hujus præscriptionis distinctum conceptum, non parum juvabit; discernere varios & præcipuos hujus vocis significatus; Sumitur enim, (1.) pro exceptione juris, quando scil. alter habebat quidem actionem stricto jure fundatam, agnoscente etiam hoc reo,

C

sed

Sed huic Prætor ex æquitate, quoad negotia stricti juris, succurrebat exceptione, & hinc à modo proponendi forsan dicebatur præscriptio *l. 91. de Solution.* (2.) Accipitur pro solo lapsu temporis citra ullam considerationem tituli aut bonæ fidei, & hæc temporalis dicitur, consistens in exclusione terminorum & actionum *t. t. de Div. tempor. præscript.* (3.) Præter jam notatum significatum etiam sub se comprehendit rerum præscriptionem seu usucapionem late dictam quatenus scilicet cum hac confusa est, etsi hæc confusio jure novo in plurimis adsit, vid. Dn. Böhm. in *Introd. ad l. D. tit. de Usurp. & Usuc. §. 3.* Differentia tamen respectu rerum adhuc est, quod scilicet res incorporales uti servitutes & actiones præscribantur, corporales vero usucapiantur.

§. IV. Sumitur etiam (4.) uti communiter volunt, pro determinatione certi spatii *l. 5. C. Fin. Regund.* Sed vid. Dn. Böhm. *tit. Fin. Reg. §. 4.* Et denique (5.) sumitur pro acquisitione dominiæ sive directæ sive utilis in feudo per quietam & non interruptam possessionem triginta annorum, hincque significatus imprimis ad meum scopum pertinet.

§. V. Pergo jam ad alterum Tituli mei vocabu-

cabulum, feudale, scil. quod derivationem suam
habet à feudo ; Antequam vero hac voce latine
scribentes forte seculo X. & XI. usi fuerint, usurpa-
ta fuit vox beneficii, qua etiam Romanos usos fuis-
se, patet ex S. Augustino Serm. Lin vigilia Pente-
costes, ubi ait : *Notum est, quod milites seculi be-
neficia temporalia à temporalibus Dominis acceptu-
ri, prius militaribus Sacramentis obligantur, & Do-
minis suis fidem se servaturos, profitentur* : Item ex
Hygeno de Limitibus : *Si qua beneficia concessa
aut assignata colonia fuerint, in libro beneficiorum
adscribemus* : Item ex Dolabella de Agrimenfori-
bus : *Quaris si in libro beneficiorum regionis illius
beneficium Augustus dedit*. Inde etiam Franci &
Germani alii in scripturis verbo beneficiare usi, si-
cut etiam Carolus M. in testamento : *Villas, quas
nos quondam Tasylan beneficia vimus* : Item ex
Siegeberto in ann. Dom. MVII. constat : *Henri-
cus Imperator Valentinianus Baluvino beneficiavit,
ut sibi contra motus suorum auxilio esset* ; Et hæc
vox non solum in feudis militaribus, sed etiam bo-
nis censiticis & emphyteuticis usurpata fuit, ita al-
lodia Ecclesiis & Monasteriis olim oblata dicuntur
in antiquis instrumentis *ea ratione ut ipsas res per
beneficium ipsorum Monachorum, tempus vite no-*

stra per cartalam precariam post eos recipiamus, & censum eis exinde solvamus: Et sic censuarius in beneficium accipere dicebatur.

§. VI. Pro quatamen voce beneficii postea Germani seculo imprimis XI. in scripturis usurpabant vocabulum investituræ & feudi: Unde vero hæc feudi vox suam derivationem habeat mirè se torquent Doctores, vid. Dn. Stryck. in *Ex. I. F. c. 2. §. 1.* Quicquid vero sit, mihi præ omnibus placet, ultima in jam all. §. opinio, & puto potius hoc vocabulum nativum ac vernaculum esse, quam peregrinum & latinum, receptio enim est facti, ergo & probanda; Composita vero hæc vox est, ex Fee & Od, primæva sua significatione, quamlibet rem stipendiariam notans, Fee enim stipendium denotat aut mercedem, quæ vox in Anglia, teste Speelmanno, adhuc in usu est; Od vero res seu bona denotat, unde Einnod, Allod, Kleinod, & vocem feodi Anglos quoque olim usurpasse, testatur Skenæus ad Malcomi II. Regis Scotiae constitutiones, qui regnare cepit anno 1004. *Omnibus Rex Malcomus dedit & distribuit terram Regni Scotia hominibus suis: Et nihil sibi retinuit in proprietate nisi regiam dignitatem, & montem placiti, in villa de Scona. Et ibi omnes Barones*

nes concesserunt sibi VVardam & relevium de herede cujuscunque Baronis defuncti, ad sustentationem Domini Regis. It. ordinauerunt Cancellario Regis feodum magni sigilli, videl. quo qualibet charta centum libratarum terræ, & ultra pro feodo sigilli, decem libras, & Clerico pro scriptura duas marcas.

§. VII. Unde feuda suam trahunt originem, maxime inter Feudistas ventilatur, & quidam sunt, qui eorum originem ac inventionem Romanis adscribunt, ut Parthenopæus ille Doctor Lucas à Penna, asserens: Feuda etiam fuisse temporibus Justiniani, & hoc probare intendit ex §. 40. *Inst. de R. D.* Sed ad hæc breviter respondeo, cum oblitum esse, ibi non tractari de concessione domini utilis, sed de plena (uti verba antecedentia docent) alienatione, ergo hæc asseritio contra veras impingit regulas interpretandi. Deinde Udalricus Zalius feuda derivat de origine Patronorum & Clientium apud Romanos, Authore Romulo, sed hæc opinio nullam meretur receptionem, quia hi Clientes revera nulla bona & consequenter nullum dominium utile à Patronis suis accipiebant, sed hi saltem iis, occasione se offerente, consiliis assistebant, vid. *Auth. der Einleitung zur Rom. und Teutschen Historie p. 18.* Hoc tamen

non diffitendum aliquid simile istos Romanos Clientes cum Vassallis, & prædia stipendiaria cum bonis feudalibus habere, sed quæ conveniunt in uno tertio, non proinde in toto conveniunt.

§. VIII. Quid vero sentiendum de feudorum origine? Hoc, quod illa neque Romanis, & Timarriotis Turcarum vid. Bodin. *L. 2. de Rep. c. 2.* neque Græcis & Japonensibus sed Teutonicæ gentis juri ac moribus sit adscribenda; Ex hac vero profluxerunt *Franci, Longobardi, Saxones & Suevones*, qui omnes juribus æquitati naturali superstructis, & in paucis à se diversis, utebantur: Apud Francos vero feuda in usu fuisse, non solum ex constitutionibus feudalibus Caroli M. sed etiam ex *Chronicis Spirensibus Lebmanni p. 72. & 78.* videri licet; adde Schilt. in *Prefat. Jur. feud. Alemann.* §. 5. De reliquarum gentium consuetudinibus feudalibus non est quod dubitemus, in omnibus enim fere manibus sunt, **JVS FEVDALE LONGOBARDICVM**, Corpori Juris regulariter annexum, ut & **JVS FEVDALE ALEMANNICVM & SAXONICVM**: Hoc etiam quoad hæc duo ultima jura notandum in iis, quosdam casus etiam in praxi obvenientes, decidi, quorum deci-

decisionem in Jure Feudali Longobardico non invenimus : Ergo & horum notitia eo utilior.

§. IX. Sed dicis, cui usui hæc ? Resp. Multos & eruditos Doctores hujus rei usum nullum, & de lana caprina esse, sincere profitentur, sed horum rationibus sepositis, ingenue confiteri adstringimur, magnum hujus inquisitionis esse usum, & quidem ob sequentes rationes : (1.) Ut ad interpretandum jus nostrum modernum feudale, eo majori studio ac industria operam demus antiquitatibus Germanicis, uti fontibus, ex quibus hoc jus explicandum, & hic quidem multa dicenda ac monenda essent, sed quia jam commoda occasio se non offert, de his scribendi transeant, sed tamen conscientiam meam moveret, si præterirem pulcherrimum illud effatum J Cti Quinti Mutii : *Turpe esse J Cto, jus, in quo versaretur, ignorare.* (2.) Et quid multis verbis opus, cum implemet Doctiss. J Ctus Cajus in *pr. Tit. ff. de O. I.* facetur : *Se in omnibus rebus animadvertere ; Id perfectum esse, quod ex omnibus suis partibus constaret. Et certe cujusque rei, potissima pars principium est.*

§. X. Cum in duobus jam præcedentibus sis pauca de feudorum origine hujusque utilitate diximus, quædam adhuc dicenda restant de origine

ne præscriptionis feudalis, de hac vero sic tenendum, quod quidem certum tempus, quando scilicet hæc inceperit, ut & spatium intra quod aliquid præscribi possit, ante existentiam scripturæ, determinatum non invenimus; Hoc tamen certum, post introducta feuda etiam præscriptionem, qua gentes usæ sunt & supra §. 2. Juris Gentium diximus, originem suam coepisse: Et hoc etiam verosimile; Præscriptionem triginta annorum ante scripturam, quia hæc istam tanquam consuetudinem communem & jam existentem excerptit, extitisse. Hucusque de Praeliminaribus & verborum significationibus; nunc ad ipsum nostrum thema progrediemur.

§. XI. Impresensiarum considerandum suscepi præscriptionem, non ut in universum excurrit, sed quatenus in negotiis feudalibus obtinet, & quidem hac methodo: (1.) Ut agam de Præscriptionis feudalis Definitione. (2.) De ejus Divisione; & (3.) ex clara & perspicua Definitione axiomata deducam.

§. XII. EST ERGO PRAESCRIPTIO FEUDALIS MODVS ACQVIRENDI VEL FEVDA EX ALLODIIS VEL ALLODIA EX FEVDIS PER QUIETAM ET NON INTER-
RVP.

RVPTAM BONAE FIDEI POSSESSIO-
NEM TRIGINTA ANNORVM, & hæc defi-
nitio se fundat in textu *II. Feud. 26. §. 4.* ubi hæc in-
veniuntur : *Si quis per triginta annos rem aliquam
ut feudum possedit, & servitium Domino exhibuerit,
quavis de ea re non sit investitus, præscriptione ta-
men triginta annorum se tueri potest.* Hæc præscri-
ptio triginta annos requirit completos locutio e-
nim PER, totam temporis consummationem no-
tat, *arg. l. 166. §. 1. ff. de V. S.* PER enim ibi totam
noctem significat, adde Alciat. *ad eand. l. 166. ff.*
*qui observat : PER quandam integritatem & per-
fectionem referre ;* Itaque ultimus annus non ha-
bendus pro completo, nisi novissimo die adjecto,
arg. l. in omnibus 6. ff. de O. & A. vid. Dn. Böhmer.
in Introductione ad I. D. tit. de Div. temp. Præscript.
§. 3. Neque dubiam facit hanc sententiam *l. 6. §.*
7. de Usucap. item *l. pen. ff. de Divers. tempor. præ-*
script. Hæc leges enim usucapionem, in favorem
dominii tempus abbreviantes, spectant, non præ-
scriptionem longissimi temporis, quæ inventa cre-
ditur à Theodosio II. vid. Strauch. *in Irnerio non er-*
rante c. 4. num. 4.

§. XIII. Præscriptio hæc triginta annorum
dubia videtur reddi *per 2. Feud. 87.* ubi sufficit lon-

D

gi

gi temporis præscriptio, consistens in tempore decem vel viginti annorum, l. 11. c. de Præscript. long. temp. ut & per 1. Feud. 26. §. 1. vers. Hæc autem, ubi mentio fit de annali præscriptione; Sed quod 2. Feud. 87. continetur, explicandum est ex 2. Feud. 26. §. 4. vid. Stryck. in Exam. Jur. Feud. c. XI. §. 7. nec refugium quærendum in Jure Civili, ubi Jus Feudale superest 2. Feud. 1. neque fallit, capitula extraordinaria auctoritatem in decidendis controversiis non habere, maxime contra Jus Feudale consuetudine receptum est, vid. Heintz. à Rosenthal. in Synops. Jur. Feud. c. 7. concl. 33. num. 17. & Dn. Stryck. in Exam. Jur. Feud. c. 1. §. 22. ista aut capitula allegari non possunt, si ordinariis contrariantur, olim enim de horum capitulorum auctoritate dubitatum, unde has constitutiones Extravagantes vocavit Mericucius in quest. 16. vid. Mairitium Dec. 1. contr. feud. posit. ult. Nec Accursius in corpore glossato illa retulit, & hucusque verba Stryckii. Nec est quod curemus *textum* 1. Feud. 26. §. 1. Contentio enim ibi est inter Vassallum & alios de Investitura, facta à Domino feudi; Liberat enim tunc possessio feudi annalis, sciente Domino & non contradicente à solenni probatione, & solummodo juramenti locus est.

§. XIV.

§. XIV. Prout res sunt, vel Ecclesiasticæ
vel Seculares, ita etiam præscriptio feudalís se scin-
dit, *in præscriptionem Feudalem, Ecclesiasticam &
Secularem*, hanc absolvi spatio 30. annorum, ne-
mo ob clarum textum 2. Feud. 26. in inficias it;
Quoad illam vero magna inter Doctores lis est:
An scil. absolvatur tempore triginta annorum, an;
uti præscriptio reliquarum rerum Ecclesiasticarum,
quadraginta *juxta Auth. Quas actiones c. de SS. Ec-
clesiæ.* & Doctores ab hac parte ad stabiliendam su-
am opinionem sequentibus utuntur argumentis?
(1.) Nullum verbum in jam dicto loco 11. Feud. 26.
§. Si quis, inveniri de rebus Ecclesiasticis, ergo et-
iam de his legem non disponere, sed potius obse-
quium præstandum, 2. Feud. 1. ubi dicitur: *Quod
strenuus Legisperitus, sicubi casus emerferit, quæ
consuetudine feudi non sit comprehensus, absque ca-
lumnia uti possit lege scripta, & ergo recurrendum
ad jam alleg. auth. Quas actiones* (2.) nullam cor-
rectionem præsumi, & quicquid lege specialiter
non sit expressum, id veterum legum constitu-
tionumque regulis omnes relictum intelligant l. 32.
§. 6. c. de Appellat. & arg. l. 27. c. de Testam. (3.)
Generalia quidem generaliter esse interpretanda,
nisi obvia sint certis legibus, & hæc corrigi debe-
ant,

ant, vid. Franzk. *ad ff. de LL. num. 28.* His se strenue opponit Schenck. L.B. à Taut. *In consuet. feud. L. 3. t. 4. §. Si quis*; statuens in all. loco 11. *Feud. 26. §. Si quis*; verbum *aliquam rem* denotare aliquid generale & indistinctum, & sic optime locum habere posse interpretationem extensivam, quia hic eadem ratio, ergo deberet etiam quoad feuda Ecclesiasticas esse ejusdem legis dispositio; Sed mihi cum distinctione inter res Ecclesiasticas qua tales & feuda Ecclesiastica res concilianda videtur, & de illis loqui alleg. Authenticam; Haec vero etiam comprehendi in alleg. textu feudali, sub voce *rem aliquam*, & hanc opinionem ratione & aequitate niti, probo ex sequentibus: (1.) Eo tempore, Justiniano Imperatori feuda incognita fuisse, ergo ad non cogitata, *Non. III. §. 131. c. 6. ut & saepe alleg. authenticam*; Quas actiones non posse extendi. (2.) Ex praescriptione dominii utilis non adeo magnum sentit Ecclesia detrimentum, quia adhuc retinet dominium directum, imo finitio feudo plenum dominium redit ad ipsam Ecclesiam, vid. Dn. Stryck *in Examine Jur. Feud. cap. XI. §. 8. in fine.*

§. XV. Dixi in definitione praescriptionis feudalis §. XII. Praescriptionem feudalem esse modum acquirendi feudum; Ergo quod hunc convenit

venit cum investitura & renovatione feudali, differt vero ab investitura, (1.) Quod hæc sit solennis feudi traditio vere vel fide facta, quæ tamen in præscriptione non requiritur. (2.) In illa DOMINVS rem debet alteri tradere, vid. B. meum Patrem in *Disputatione sua Inaugurali de Investit. feud. th. XI.* In hac vero nil impedit siue tradatur à m. f. siue à b. f. possessore, modo accipiens in bona fide, & hanc necessariam esse, producant *11. Feud. 87.* uti Schultz. *S. I. F. c. 9. num. 86.* qui addit hoc convenire cum æquitate canonica, *c. pen. c. ult. X. de præscript.* quam in materia præscriptionis observandam esse, DD. communiter statuunt. Unde Rosenthal. in *Synops. Jur. feud. cap. 6. concl. 77. num. 9.* Licet, inquit, *textus feudales non expresse exigant, tamen cum in eo Jura Canonica in utroque foro receptissima aperte non corrigant, hoc secundum ea interpretari oportet, vel quod his deest, ex illis suppleri debet;* cujus sententia usu obtinet, vid. Struv. *S. I. F. c. 8. aph. 11. num. 4.* uti de Camera Imperiali testantur Mynsing: *cent. 4. observ. 6. Gail. 2. obs. 18.*

§. XVI. Porro in differentias renovationis & præscriptionis feudalis inquiremus, differunt enim hæc (1.) Quod renovatio in se contineat actum

D 3

solea-

solennem, qui ad prescriptionem non requiritur.
 (2.) Quod illa fiat in feudo constituto, hæc vero
 etiam in adhuc constituendo. Sed dicis, si reno-
 vatio locum habeat in feudo constituto, non est
 modus acquirendi feudum, uti §. 1. & præc. asserui-
 sti? Sed Resp. non ita intelligo hunc modum ac-
 quirendi ac si feudum de novo acquiratur, sed qua-
 tenus ex opposito habet amissionem, si intra tem-
 pus legitimum renovatio non petatur, vid. Dn.
 Stuyck. in E. I. F. c. 17. §. 15. & vice versa acquiratur,
 si intra illud tempus de ea sollicitetur atque obtineat-
 ur, quomodo vero hæc renovatio sit petenda, vid.
 apud Fratrem meum in *Differt. de Investit. feud. re-
 novatione cap. IV. §. 2.* (3.) Quod præscriptio
 contineat tempus triginta annorum, ast renovatio
 requirit annum & diem; 11. Feud. 24. & 1. Feud. 22.
 quorum textuum conciliationem ostendit Struv.
 S. I. F. c. X. aph. 7. add. 1. Feud. 19. 21. 23. & passim,
 & hujus termini etiam mentio fit IN JURE FEV-
 DALI ALEMANNICO cap. 83. & JURE FEV-
 DALI SAXONICO §. 50. seqq. verbis: *Veret
 ouch der man uz in lande binnen siner jarzale, ber
 erlenget sine jarzale darmete nicht. Also hat der
 man sine jarzale lenget ab ber fines outes sinnet, und
 es ime der berre vveigeret mit unrechte, also kurtzet
 sie*

*ſie ime der berre ab her ime das gut bitet. Hütet ſich der berre oder becluzet her ſich uf einer burg; daz der man zu ime nicht komen mag, ez en ſchadet dem manne nicht zu ſine rechte &c. Et in ſine: Stirbt ein man über mer oder ander zuwar, alſe ſine kinde-
re ſinen tot erſt vereiſchen, dar get an ire jarzale ir gut zu entpahne. Stirbt ouch jenes mannes berre unwiſſenlich ſinen mannen. Sovenne ſi ſinen tot erſt vereiſchen dar get an ir jarzale ir gut zu entpahne. Et verba JVRIS FEVDALIS ALEM-
NICI ſequentia ſunt: Inner der Iorezale ſol eines Herren man mit ſime Herren rechten und ſtirbet er und lott lebens erben bunder ime und bett den toden man beklaget jeman umb das gut ſo bett der erbe als gut recht gegen dem kleger als der vatter do er lebte.*

§. XVII. Mentionem etiam feci in præſcriptionis feudalis definitione §. XII. quod ſit modus vel acquirendi feudum ex allodio; quod ſit, ſi vel Dominus directus in re, quæ Vaſallo propria fuit, acquirat dominium directum, vel ſi Vaſallus in re, quæ Domino directo propria fuit, acquirat dominium utile; Quod ſit Jure Saxonum, ſi Vaſallus tenuerit alterius rem tanquam feudalem per triginta annos, annum & diem, vid. Carpz. *Jur. Feud. part. 2. c. 5. defin. 16.* & Dn. Stryck. in *Exam. Juris Feud.*

Feud. c. XI. §. 6. Duas enim species Præscriptionum in Jure Saxonico invenimus, quarum una ad res mobiles & se vel à natura vel factò hominum moventes pertinet, quæ terminò unius anni & diei, h. e. sex hebdomadarum absolvitur, vid. *Land-Recht Lib. I. artic. 28.* Alteram ad res immobiles comparatam, & quæ annos triginta & unum cum die requirit, vid. *Land-Recht Lib. I. artic. 29. & Heig. part. 1. quæst. 16. num. 11.* Quid vero de hoc casu tenendum, si Vasallus ab alio rem in feudum recognoscit, & ab eo renovationem investituræ petit & servitia ipsi ratione istius rei exhibet? Resp. Hic distingvendum esse: An hoc factum cum scientia prioris Domini, & tunc, si hic per triginta annos acquieverit, utique dominium directum eum amisisse dicendum? An vero sine scientia, & tunc isthoc Valli factum pristino Domino non nocebit, etiamsi ille per triginta annos alium recognoverit, sed ipse Vasallus ob feloniam commissam utile amittet dominium. Nuda enim agnitio novi Domini, quæ fit à Vasallo, haud dejicit Dominum de sua possessione, vid. *Bald. in l. 11. c. de Bon. lib. Jacobin. de S. Georg. de Feudis, vers. dictique Vassalli n. 23.* adeoque nec præscriptio locum habere potest, nisi aliquid accedat, quod Domini possessionem intervertat.

§. XVIII.

§. XVIII. Afferui adhuc in præscriptionis feudalis definitione, quod sit modus acquirendi vel feudum ex allodio vel allodium ex feudo, quod ultimum accidit, si vel Dominus directus in re feudali constituta dominium Vasalli utile præscribit, v. gr. Si feudum sui Vasalli per triginta annos velut rem propriam & liberam, sciente & non contradicente Vasallo b. f. possederit, Schulz. *S. I. F. cap. 9. n. 93.* Rosenthal. *cap. 6. concl. 83.* vel vice versa, si Vasallus dominium directum sui Domini præscribit, v. gr. Si bona fide (quæ ex lapsu tanti temporis præsumitur) se Vasallum negaverit ac Dominus per triginta annos acquieverit, Rosenthal. *cap. 6. concl. 82. n. 19.* Sed ad hunc quoque §. pertinet quæstio: An scilicet ista tricennalis præscriptio, cujus mentio fit *11. Feud. 26. §. Si quis*, extendenda sit ad acquisitionem allodiorum à feudis? quod primo intuitu negandum videtur, ob dispositionem Juris Civilis circa allodia: Ast hoc, non obstante illo, firmamus & quidem *arg. l. 35. ff. de R. J.* ibi enim J Ctus Ulpianus dicit: *Nibil tam naturale esse, quam quicquam eo modo dissolvere, quo colligatum*, hancque sententiam etiam in Camera Imperiali observari testatur Mynsinger. *cent. 4. observat. 28.*

E

§. XIX.

§. XIX. Ulterius in data definitione mentionem feci, quietæ & non interruptæ possessionis, ergo necessario sequitur, quod debeat esse continua 2. Feud. 26. §. 4. verb. *Per triginta annos possedit*, adde arg. l. 2. c. de *Præscript. long. temp.* l. 3. ff. de *Usurpat. & Usucap. verb. Per continuationem possess.* l. 7. pr. c. eod. adeo, ut ne momento quidem temporis interrupta sit. Videtur ita fere ad impossibilia obligari Vasallum & propter difficillimam probationem excidere præscriptionis utilitate. Hoc itaque impedimentum Doctores removere solent, ut continuam possessionem satis probasse censeatur Vasallus probato principio & fine: Probatis enim extremitatibus præsumuntur media, Schneidew. *ad Instit. de Usucap. pr. n. 61.* Imo, qui adhuc est in possessione de præsentī, probato principio possessionis, præsumitur possidere in præsentī, nam ex possessione de præterito, præsumitur possidere in præsentī nisi contrarium præbetur, Carpzov. *Jur. Feud. part. 2. cap. 3. def. 20. n. 4. seqq.* item obtinet præscribente aliquo directum dominium aut utile. Continuae huic possessioni obstat usurpatio, quæ vel naturaliter vel civiliter fieri potest Jure Civili, l. 5. ff. de *Usurp. & Usucap.* Illa adimit possessionem, hæc facultatem possessionis dubiam

dubiam facit, & fit vel judicialiter vel extrajudicialiter. Inde Vasallus qui rem alterius tenuit, ut feudalem 20. annos dejectusque de fundo, licet recipiat possessionem, spatium viginti annorum nequit computare. In genere cum Jure Canonico, quod hic sequuntur Doctores, convenit: Ubi doceri potest, interpellatum fuisse ita possessorem, ut scientiam acceperit juris alieni, vel documenta talia apud se habuerit, unde constet, in mala fide ipsum fuisse, vitiabitur præscriptio, Heig. *part. 1. quæst. 16. n. 63.* Non præcise continuanda possessio ab uno. Possessio vero intelligitur civilis, non naturalis, in sensu eo quo naturalis denotat detentionem corporalem rei, Civilis quæ exigit animum sibi habendi. Possideat itaque Vasallus, v. gr. rem alterius ut feudalem, & animo habendi sibi sub forma feudi. Licet naturalis apprehensio requiratur ad acquirendam possessionem præter animum, conservatur tamen solo animo & continuatur per *l. 3. §. 1. ff. l. 4. c. de Acquir. poss.* Hic animus manifestatur servitio exhibito 2. *Feud. 26.* Numerum servitiorum ex hoc textu eliciunt Feudistæ & sufficere semel esse exhibitum, statuunt *arg. cum Ecclesie 3. X. de Caus. poss. & propr.* Schultz. *S. I. F. c. 9. num. 93.* imo solam exhibitionem servitiorum

sufficere statuit Stryck. in *Exam. Jur. Feud. cap. XI. §. 11.*

§. XX. Quædam adhuc adjicienda essent de bona fide ob ordinem hætenus observatum, quia verò hanc materiam suam supra §. 15. attigimus, transimus tandem ad illam quæstionem: An scil. titulus etiã requiratur ad hanc præscriptionem feudalem, ita scilic. ut possessor titulum suæ possessionis probare debeat; quod ab initio quidem ob sequentes rationes affirmandum videtur. (1.) Quia sine hac probatione nescimus, an aliquis sit in bonæ fidei an in m. f. possessione? (2.) Quia titulus necessario probari debeat in Usucapione; Sed quoad primum respondeo, quod nemo *arg. l. 51. Pro Socio.* præsumatur malus nisi probetur contrarium, ergo in præscriptione etiã nostra hæc locum habebit præsumtio; Quoad secundum respondeo, quod ab usucapione ad præscriptionem non valeat consequentia, alia enim sunt requisita usucapionis, alia præscriptionis feudalis, quæ pro fundamento habet possessionem tricentalem, & bona fides ut & titulus præsumuntur, ipsa enim patientia est loco tituli, 2. *Feud. 33.* & hoc non solum Jure Civili, sed etiã canonico obtinet, teste Frantzio *Exerc. 7. num. 1.* Multo minus

nus titulus informat immemorialem præscriptionem, habetur enim hæc loco tituli legitime constituti, *l. 3. §. 4. ff. de Aqu. quotid. & astiv.* & habet vim privilegii, ac æquiparatur privilegio à Principe alicui expresse & ex certa scientia concessio. *Super quibusd. 26. X. de V. S. & spatium illius temporis tantum potest, quantum Imperator, vid. Schneidew. ad Instit. de Usucap. num. 31.* Et quia præscriptio potissimum eum in finem est introducta, ut puniatur negligentia Dominorum, res suas non vindicantium, delictum hic loco tituli est. Post tantum sane temporis spatium præsumpta ad est investitura, seu præscriptio præstat id, quod investitura, *2. Feud. 26. §. 4. verb. Quamvis: Carpov. D. 6. F. tb. 51.* Ex eadem ratione nequit cogi Vasallus ad edendum & probandum titulum suæ possessionis, probare tamen debet hujus continuationem, per spatium triginta annorum, rem tanquam feudalem possessam esse, quod præstiterit servitia, *H. Pistor. l. 2. quest. 46.* Quod cape de eo casu, quo Dominus requirit titulum à Vasallo, qui se defendit tricennali possessione continua, Domino negante: Qui enim exceptione utitur, agere videtur, *l. 1. ff. de Except. & probare debet intentionem suam.*

Ethæc pro instituti mei ratione de Præscripti-
one feudali dixisse sufficiant. Si fortassis exigua
hujus materiæ evolutio, Tibi B. L., non in totum
arriserit, spero tamen ex parte Tibi non displicitu-
ram, facileque TE omnia in meliorem partem in-
terpretaturum. Interim veluti cum Divini auxi-
lii imploratione hunc laborem auspicati sumus ;
Ita cum debita gratiarum actione pro benevola as-
sistentia ac concessis viribus eidem ultimam ma-
num imponimus.



COROLLARIA

EX

LOGICA, ETHICA, JURE NATVRÆ,
JURE CIVILI, JURE CANONI-
CO ET JURE PVBLICO
DESVMTA.

I.

IN sensationibus etiam consistere veritatem.

II.

*Voluntatem dirigere intellectum in materia
boni & mali.*

III. Re-

III.

Regulas honesti & decori etiam pertinere ad Jus Naturæ.

IV.

Testamenta non esse Juris Naturæ.

V.

Genuinam rationem conductionum esse, ne aliquis locupletetur cum alterius damno.

VI.

Actioni contra tutorem ad rationes reddendas, non posse opponi præscriptionem 30. annorum.

VII.

In legatis annuis & mensstruis singulorum annorum propriam currere præscriptionem.

VIII.

Secundum Jus Canonicum præscripturus, nullo tempore debet habere conscientiam rei aliena.

IX.

Maritum dotem alienare posse, si uxor jurato consenserit.

X.


Heredis institutionem secundum Jus Canonicum conferri posse in alterius arbitrium.

XI.Im.

XI.

Imperium Romano-Germanicum habere formam systematis fluctuantis inter Monarchiam & systema civitatum statuo.

SOLI DEO GLORIA.



A411470394